

UKA2019/33

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaanni § 9 imm. 1 allanngorteqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut. Taamaalilluni meeqqat illugiimmik angajoqqaallit, tamarmik sulisimappata imaluunniit ilinniartuuppata, kommunep ulluunerani paaqqinniffiitut ulluuneranilu paarsisarfinnut utaqquisut allattorsimaffianni meeqqanut kisimiittunik angajoqqaalinnut sulisimappata imaluunniit ilinniartuuppata assigiimmik pineqarnissaat angujumallugu.
(Inatsisartunut Laura Tàunâjik, Siumut)

Aamma

UKA2019/53

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaat allanngorteqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut. Inatsisip allanngortinneratigut qulakkeerneqassaaq, kalaallit nunani allani ilinniartut qitornaasa kommunip meeqperiviutaanut ulluuneraniluunniit angerlarsimaffinni paaqqinnittarfinnut utaqquisunut allanut naleqqiullugu sallinngortinneqartalnissaat ilinniartup Kalaallit Nunaanni sullivimmi imaluunniit oqartussaaffiit arlaanni sulilernissaminut isumaqatigiissuteqarluni takutissinnaappagu.
(Inatsisartunut ilaasortaq Malene Vahl Rasmussen, Demokraatit)

Akissuteqaat

(Ilinniartitaanermut, Kultureqarnermut, Ilageeqarnermut Nunanullu Allannut Naalackersuisoq)

Aappassaaneerpeqarnera

Naalackersuisut Inatsisartut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaata aalajangiiffigisassatut siunnersuummik isumaliutissiissummillu sukumiisumik suliaqarsimaneranut qutsavigaa.

Ataatsimiititaliaq kommuninit tusarniaanermi akissutigineqartut tunngavigalugit imatut paasinnippoq, inatsisip nalilersoqqinneqarnissaa kommuninit kissaatigineqartoq ataatsimiititaliallu tamanna aamma imatut paasigaa Naalackersuisut allannguutissatut siunnersuutaannut tapersiisoqartoq. Naalackersuisut tamanna iluarisimaarlugu maluginiarpaat.

Ataatsimiititaliap allannguutissatut siunnersuutaata nalilersuinissaq ukiumik ataatsimik sivilisussuseqassasoq sillimaffigimmagu, Ataatsimiititaliallu siunnersuutaa Naalackersuisut allannguutissatut siunnersuutaannik tunngaveqarmat, Naalackersuisut Ataatsimiititaliap siunnersuutaa tamakkiisumik tapersersinnaavaat. Taamaattumik Naalackersuisut aamma kommunit nalilersuinissami peqataatinneqarnissaat pissusissamisoorluinnartutut isigaat.

Taamatut oqaaseqarlunga allannguutissatut siunnersuutip akuerineqarnissaa innersuussutigaa.